

四庫全書

集部

欽定四庫全書

西陂類稿卷十六

吏部尚書宋肇撰

紅橋集

九峰曲二首

纔過青浦望松江
淼淼澄波白鳥雙
九朵芙蓉相並出
一天晴翠撲船牕

雨過斜陽入趣途
羣峰參錯水縈紆
看山怪道如相識

往日曾披雪霽圖

黃子久有九峰雪霽圖

附次前韻

馮景

九朵芙蓉出泖江
空明盪縈自雙雙
諸峰聳翠如相送
倚徧雕航四面牕

殘澍初收溼遠途
夕虹猶挂九峰紆
不須更覩黃癡畫
此是天成雨霽圖

賑飢淮揚寓江都范公祠作

五年河決淮揚郡
拯救徧當力絀時
千里飛鴻連海岸

二分明月對叢祠
看碑廡下莓苔掃
行藥畦邊柳栗隨
幾日滄浪催刈稻
并州風物使人思

附
前題

至

鴨脚蕭蕭蔭短垣
范公祠下復停軒
經旬轉粟煩飛檄
何日哀鴻返故園
極望平山雲作陣
還愁海岸雨傾盆
趨庭小住刊江上
向夕憑欄酒一尊

平山堂二首

路出紅橋畔
秋原問蜀岡
穿林尋曲徑
拾級到高堂
遠

岫平襟帶長江得渺茫呼童掃黃葉好煮石泉香

昔賢良讌會茲事遂千秋勝地幾興廢閒雲此去留樓
開歌舞外塔入海天浮何處雷塘路蕭騷起暮愁

秋日由范公祠後圃過天笠菴二首

時滄浪亭方
構研西草堂

古祠棲泊處幾日遂深秋野岸霜風緊殘陽廢圃幽
苑收末利老樹叫班鳩何意膺符節翻同世外遊

曾向南園裏研西構草堂大江隔吳會秋水憶滄浪行
菜從公暇投竿引興長聞鐘催步屨又到贊公房

鄰家竹園

客舍傍荒園相去不數武修篁聳天畔參差展鳳羽清
陰隔院來羅羅徧庭戶時循麕眼籬逕造無人處遺籜
與蒼苔委積盈尺許呼童為掃除坐待明月舉千叢萬
夫間葉葉秋可數翛然坐忘歸直待鄰鐘杵風至靈籟
生俗韻洗肺腑因之念故鄉寄書葺舊圃

予家竹圃梁孝王故址也

附
前題

至

立秋六十天暑氣時作惡祠南美修篁連日出行藥

竹根蔓草纏蕪穢侵茫僑呼童加翦除耳目得一廓
譬如嬰塵坐忽被清泉淪徘徊日欲昏朝晰羅歸雀
廣陌起秋風乾葉蕭蕭落

答朱慎人駕部二絕句

小別俄看菊有花滄江渺渺隔天涯八十老翁偏好我
一封遙寄水精鰕

高蹤世外自菰蘆鶴格昂藏老興孤青鞵布韞蛇條杖
待爾滄浪作畫圖

九日用至韻

乍晴乍雨當重九
笠屐風前緩緩行
傍水閒園留野鶴
戛天高柳接荒城
宦途偈仄誰停手
秋鬢滄浪愛落英
此際呼兒問鄉國
和松茅屋葺初成

附原詩

至

江風吹雨又吹晴
蕭瑟郊原穫稻聲
走馬空林防落帽
窺牆小婦訝前旌
愁分鴻雁三秋夢
醉倒茱萸九日情
怊悵雷塘何處是
夕陽西下隱層城

秋日廣陵雜興八首

已過重陽雨不休叢祠古木響飈飈誰知聽雨無聊賴

名畫還披聽雨樓

黃鶴山樵有
聽雨樓卷

買得秋英碧玉枝一庭踈雨澹相宜二三文士成高會
獨有羸官愧左司

牆東茱竹一千個牆西鴨脚大十圓公事一了即世外
誰能局束為人鞿

淮揚蠲賑自年年一老輕舟遡大川岸上偶然成小住

窺人霜月兩迴圓

去年留漕二十萬今年轉粟又海濱明年定擬塞飢子
太倉高廩應陳陳

獨扣禪扉破碧苔鷄冠五色滿庭開老僧背上筠籠重
打得街頭盞飯米

迴颿鼓急隔牆聞不礙哦詩向夜分一陣南風又靈雨
妬他涼月白紛紛

落葉聲中與鶴閒竹西歌吹總教刪寫望朝來定何處

衝泥還擬上平山

附
前題

顧圖河

雪葉風花續續吹城南官舍破聞時雨師多謝勤來
往一日催成一卷詩

空天忽注雨三尺空囊忽辦米千鍾飽飫江淮人萬
億可知談笑有神通

朝朝堆案壓邱山秋籜隨風頃刻間不是乃公工判
事十分清得十分閒

千夫執戟趨衙鼓十手研煤供寫書高竹萬竿雙酒
榼門生數輩一癯儒

綿津說詩惟一真綿津鑒畫如有神畫真畫贗吾不
辨天下真詩復幾人

屬和多來那易工小坡端不讓家翁巖巔一滴獅兒
乳猛接千尋絕壑中

跛驢滑澁不受騎破屋牀牀無了期咫尺城南渺河
漢擬將雅鄭叩臯比

今朝舊說展重陽
拗轉雲光漏日光
扶起菊枝溫雪
酒料公無計奈詩狂

前題用韻

郭元釭

九旻霖雨濕殘秋
小駟柴車阻勝遊
却有水關紅葉
岸庾公高興欲登樓

日影霜紋滿戟枝
水濱閒建白雲司
韓瞻新句冬郎
和未許門前橫笏知

苔展重茵鞠打圍
高庭寒色試秋衣
放衙不用凡胥

吏一陣檀欒擁綠扉

檐聲送到惟詩雨野色營成命酒天
筍脯橘乾隨意酌筆牀茶竈自牽船

浮山下格尚通津去住宣防負土人不有江南醫國手釣魚何處穩閒身

秋城如練水如苔沙鳥汀鷗日日来九日淮南有佳處蟹螯肥足酒無灰

老雨欺秋入夜分竹牆松院並紛紛荒涼逆旅三間

月觸撥牀頭一甕雲

宋人詩詩人
例合三開月

竹輿軋軋秋山間松聲欲落襟帶間不教呵殿惱林
樾詩心全在隔江山

前題次韻

繆沅

銅斗洗洋唱未休雨聲蓬背響颼颼劇憐聽雨孤蓬
客冷醉閒吟倚枕樓

青霜陣陣糝楊枝搖落秋心與客宜不道鬢絲禪榻
畔重賡好句杜分司

遙山幾點如潑墨螺髻碧玉交相圍定攜蓑笠造絕
頂孤鶴傲岸誰能轡

江湖載酒憶當年一葉漁舟舞巨川曾向邦溝賦秋
月銷魂少此一回圓

木瓜霜後碧初勻滿樹纍纍江水濱小摘青菱聊位
置湘簾不捲看橫陳

滄浪亭子堆蒼苔秋花籬落千叢開碕西草堂昨夜
雨更有何人問菊來

瓦盆送酒隔籬聞銀蠟裁詩牋五分吟罷吳楓冷江
上滿城落葉正繽紛

香凝燕寢意閒閒公事麤酬塵事刪畫手不教寒具

浣溪山雨霽看衡山

時觀文
待詔畫

前題

至

雨檻風牀數笏寬蝸牛負殼轉身難晚來小立門前
望竹影修修塔影寒

鹿眼籬根秋草芟一叢苦竹對松杉京江雲作邗江

雨水驛鳴鏡促落帆

稻熟田家風雨連
舍前舍後水平川
不緣兩月揚州住
誰信淮南是漏天

眠鳬翹鷺驚人起
行飯溪南曳短蓑
獨對斜陽懷杜牧
竹西亭子草萋萋

半規月照玉鉤斜
此地曾經葬落花
一種風流消不得
香車寶馬又天涯

蛟門

汪懋麟

墓已纏秋草
梅壑

查士標

梅岑

宗元鼎

兩慘悽

屈指故人零落盡欄干倚徧日平西

采采茱萸落照微農家大半上漁磯酒旗歌板平山
路驚起哀鴻何處飛

秋老江鄉霜倒蒲漁莊蟹舍日提壺歸時還倩琴川

叟王貌我金焦放櫂圖

晴

野館秋陰徧四圍晴光纔放啓園扉牽牛羞澀當籬綴
鳳子伶仃貼地飛鄰寺經聲聞老衲隔江畫本送元暉

修修竹徑寅緣處直似平臺舊圃歸

玉帶生歌

有序

楊鐵崖有七客者之寮以貯所藏笛琴管胡琴古
甕與研竝已為七六客各錫以嘉名而研舊寶於
文丞相紫質玉紋所謂玉帶生也丞相殉國研歸
謝臯羽轉歸鐵崖鐵崖作志命門生張憲作玉帶
生歌余幸覲奇寶亦贈以歌

有客有客端州生家住下巖之老阮質溫以栗靜以正

紅光燭燭搖日星紫衣玉帶端人相聲價倏然來連城
景炎丞相宿友善周旋几席儕墨卿虔州露布曾視草
寶惜不數瓊瑤英柴市殉國客散走西臺血淚同吞聲
冬青樹罷歸何處抱遺老鐵邀作朋幽寮七客數晨夕
文章之職惟汝承門人作歌寫遺烈隱然五嶽方寸橫
古心古貌儼舊服守玄那絢鵠鵠睛腰間驪珠四十四
煒煌丞相所賜銘余也師事寧敢友如圭如璧親典型
安得七客忽邂逅得余而八重結盟

附
前題

朱彝尊

玉帶生吾語汝汝產自端州汝來自橫浦幸免事降
表僉名謝道清亦不識大都承旨趙孟頫能令信公
喜辟汝置幕府當年文墨賓代汝一一數叅軍誰謝
臯羽寮佐誰鄧中甫弟子誰王炎午獨汝形軀短小
風貌樸古步不能趨口不能語既無鸞之鵠之活眼
睛兼少犀紋彪紋好睂嫵賴有忠信存波濤孰敢侮
是時丞相氣尚豪可憐一舟之外無尺土共汝草檄

飛書意良苦四十四字銘厥背愛汝心堅剛不吐自
從轉戰屢喪師天之所壞不可支驚心柴市日慷慨
且誦臨終詩疾風蓬勃揚沙時傳有十義士表以石
塔藏公尸生也亡命何所之或云西臺上晞髮一隻
涕漣漣手擊鐵如意生時亦相隨冬青成陰陵骨朽
百年蹤跡人莫知會稽張思廉逢生賦長句抱遺老
人閣筆看七客寮中敢吠怒吾今遇汝滄浪亭漆匣
初開紫衣露海桑陵谷三百秋以手摩挲尚如故洗

汝池上之寒泉漂汝林端之霏霧俾汝長留天地間
墨花恣灑鵝毛素

前題

宮友鹿

胥江潮落白雁飛誰斲鰲足支坤維文山獨抱硯田
出奮筆屑涕揮雄詞蛟龍不合挂網罟虎口自脫非
人為三宮銜壁水怒立正氣只欠天扶持臯父得硯
不小用用代鉛筑沙中椎魯連蹈海慶卿死女貞花
葉空萎蕤百年汐社客纔散

宋遺民社名

起輦谷暗陰風

吹此硯閱人傳舍耳鐵笛老仙欣得之紫袍玉帶稱
上客玉筍長句尤恢奇赤城霞起瀑水隔白虹影貫
彤雲垂至寶縱復有晦顯神物要自無成虧漫堂夫
子方晏坐一方軟玉磨榦麋時平幕府罷草檄不須
更替廬陵悲蟲鰕草木待箋注門生問字來褰帷相
與聯韻效鐵體踏歌先和嬉春詩

前題

至

玉帶先生品端潔夙昔曾託文山契紫袍挂體不復

變襟期磊落懷冰雪初疑巨璞禹鑿餘否即女媧搗
鍊結闊纔寸許長手耳波濤瀕洞墨花凸龍尾鳳味
何足云况爾屑全額弗缺縣縣磷磷開復開

研銘中語

四

十四字光昭揭一從供灑零丁辭當心忠義磨不滅
文山頽後歎了遺頑石堅貞誰見悅尤物原來恥受
憐握手那肯便成熟嗣偕臯羽拜諸陵冬青樹罷分
嗚咽流傳異代落巨手用翻樂府隨老鐵六客之中
名第一却嗤焦氏秋

鐵崖琴名為賈似道故物

非埒丞相雖同有

賢姦一薰一蕕手澤別袍笏拜之方許觀天陰只恐
蛟龍掣玉筍題句何凜凜小儒屬和空咋舌

題王叔明聽雨樓圖

清溪送客罷江天黯將夕秋林碧烟生寒雨稀疎滴茅
樓跂脚人傾耳意何適妙義悟風旂耳雨兩無跡山樵
貌作圖筆自塵外得張伯雨倪雲林發高唱屬和皆奇特故
人幸持示一覽心一條覽竟步夜分簾挂霜月白

附
前題

至

作客歲已久夜來鄉思生夢回西陂裏聽雨當茅亭
曉起展圖畫寓目心忽驚恍如夢中見瑣細何分明
千章映楊柳沙白水行青邨遠堤壓岸孤舟浮煙汀
披蓑戴笠款乃衝風行幾時賦歸去小樓坐深更
綠波菴霽霽漁火看星星倩彼白描手貌我聽雨情
何事撫卷軸空憶霖霖聲

灣口二首

秋雲壓斷堤寒雨溼衰柳不見茱萸邨孤舟泊灣口

咫尺露筋祠相望隔雲樹中夜倚蓬牕長吟白蓮句

阮亭

尚書詩云行人解纜月初墮門外野風開白蓮

白田雨夜次顧黃公貰酒不得韻示王方若喬無

功諸子

如舟茅屋當官閣小牕夜雨冷莞蕩吏案山橫差排盡
幾麓殘書此間著濺濺檐溜入夜急恍向波濤耳噴薄
五更捲地來霜風晴光願放前日同招邀數子文字飲
周旋擬接昆吾鋒災祲已過當大有嘉穀會見如墉崇

老夫飽喫蘇州飯
滄浪射鴨彎弓

附次前韻

王式丹

雲拂簾旌香浮閣
蕉屋秋霖溼枯弱
清悶便似寫倪

迂心與篆煙無繫
著遶檐琴筑不聞聲

放翁夜雨詩
遶檐點滴如

琴筑逗漏新晴日光薄
從容談燕披清風
讀畫却許生

徒同精能神逸有妙理
無上證入禪機鋒剎那塵眼

豁天外琅霄宮闕
仙山崇臥遊何處
意恹恍階前落

日餘半弓

懷陶季二首

白田遺老推陶季衰病難邀共酒缸
此際清燈寒雨夜懷人端屬鹿門龐

文酒昔同賈靜子

開宗

舟車屢接顧黃公

景星

眼底風流亦

無數誰曾橫槩建安中

登文游臺

臺在秦郵城東為蘇子瞻王
定國孫莘老秦少游讌集處

高臺傍孟城環遶盡湖水僻地得嘉名
實自四賢始孫秦邦之彥別駕騷雅士
文游奉坡公清芬灑千祀伊余

措策來小雪風日美嘯傲仰遺蹤几席薦芳芷孤桐依

檻留衰草當階委名畫不可求

李龍眠
曾有圖

太息漁洋子

阮亭

尚書有
弔古詩

俯仰五百年風流誰繼軌湖樹迴微茫湖雲澹

迤邐悵望迨黃昏鷗邊霜月起

雨中舟次仙女廟示青門

芒稻河邊路寒雲竟日留荒祠問仙女疎雨滯行舟村

隱敲斜竹童驅子母牛蓬牕對詩老頓覺破離憂

附

前題用韻

邵長蘅

野廟泊官舟蕭條江上秋西風吹急雨木葉灑船頭

枯葇

芳用切

依靡落殘罾挂樹留元公憂國淚五載不

曾收

前題步韻

至

灣口東頭去荒祠得暫留野風吟落木殘照冷孤舟
生計憐投釣人家合賣牛飛飛淮海鴈何日慰離憂

前題步韻

男致

灣口曾經過荒祠那可留水平涵遠樹風疾送孤舟

有戶皆沈窳無田不用牛哀鴻何處集未釋稻梁憂

舟次寧鄉二首

屬泰州為
隋縣治

水氣白泱泱扁舟逐鴈行傷心元沃野懷古到寧鄉遠
岸蒹葭沒孤村網罟張老翁垂涕語五載罷耕桑

邨邨魚換稻在在樹生苔拯救

恩誠渥豐穰運合開宣房沈璧馬海岸闢蒿萊多少關
心事停橈首重回

夢遊山水作

夙好山澤遊至老興不却幽夢招素心水石踏芒屨雅
追修禊風共摘飛蓋作何以樂嘉賓清暉映杯酌

題徐學人雲溪草堂圖

之子江東秀風流小杜齊人傳秋柳句家住白雲溪
鰕菜供調膳煙波入杖藜幾時共明月披豁草堂西

題梅雪坪畫即送歸宣城

詩是都官裔畫追清閔蹤霜風吹旅館幽磴寫寒松
倪迂有幽磴
寒松圖
流覽移情劇煙嵐到眼重敬亭歸去好粉本得

楷節

紅橋

命名自阮亭

最是揚州勝紅橋帶綠楊著名同廿四佳話自漁洋去
住笙歌接空濛煙水長幾回憑弔處詩思寄斜陽

松花江綠石硯歌

即鴨綠江

聖武孔昭大文洽寶物千年忽騰蟄松花江遠銀濤翻
綠玉英英此中拾

天家妙選職端明
欣飛或取歸鞍壓故人輟贈意良厚

入手波紋翠猶溼
青花蕉葉潤德同
高出鼉磯與泚歙
卷荷雅製凹有容
毛穎託契墨卿狎
老輩更有玉帶生
墳典發皇共几榻

附
前題

至

鴨綠江深鼉窟冷
雲根截斷光炯炯
碧烟一片入手
寒腹作團荷背盤
梗隄麋瀦灑松花香
咫尺波濤蕩
晴景摩挲雅愛含
風漪好仗濡毫聯
石鼎

山谷詩贈
呂洮州綠

石含
風漪

刊補施註蘇詩竟於臘月十九坡公生日率諸生致祭

文章氣節眉山蘇高名嶽嶽驚凡夫七百餘年余欣慕
夢中恆接髯鬚鬚公厄一時死不朽遺編學者多霑濡
詩註吳興最稱善梅溪舊本徒區區斷簡搜得費補綴
邵長景馮景顧嗣李必兒至俱刊成恰當公生日歲暮霽

景堪歡娛招邀名士肅下拜小滄浪挂笠履圖黃雞花
豬薦夙好亦有蜜酒盈杯盃左圖右書歌寶氣霓旌鬚

髯來雲衢顧余江湖久放浪長安餽歲每歲無似聞家
僮相竊笑媚茲一老母乃迂癡官自審亦良怪行事動
與今人殊且同我輩永今夕缺月皎皎縣牆隅短劄急
報漁洋老應有好句酬狂奴

附
前題

馮景

七百年前宋景祐天生名世眉山秀臘月十九乙卯
時歲維丙子降奎宿後賢神契商邱公篤好先生表
至忠玉局詩篇廣箋注刊成懸像東軒中恰逢先生

生此日玉糝羹薦花豬白蜜酒新斟藥玉船爰率清
流拜前哲命宮磨蝎等昌黎身在斗牛復簸箕一生
遭謗被口語譬彼攻石成完瑜願進先生一杯酒日
星河獄千秋壽髯髯肝蠻笑掀顛赤壁黃樓生戶牖
孤鶴南飛俯鵲巢笛吹江上聲嘒嘒穿雲裂石復三
弄青巾紫裘人亦豪吾儕豈必皆李委甘心御車執
鞭弭馬齒偶與先生同四十九年窮不死先生送沈
遼詩云嗟
我與君皆丙子四十九年窮不死
平生未到九江東誰和太白詩句

潯陽宮

先生到九江和李太白潯陽宮詩序云今余亦四十九

只今真筇仰笠

屐且醉小滄浪畔玻璃紅

前題

吳士玉

冬十二月日十九商邱公為眉山壽異代稱觴神所
契風流韻事昔未有飄然畫像垂中堂紛紛墨蹟陳
左右詩卷新雕竝在御箋注完好無瑕垢彝器斑斕
銀燭光花稀亦薦明染後真筇各擬奏新詩筦絃不
用煩矇眊恍若先生臨几席議論懸河開笑口憶昔

置酒赤壁磯，笛聲嘹亮穿林藪。連珠更和王郎句，片

片雲腴報瓊玖。

公生日事

勝蹟於今七百年，何異朝昏換

郊酉先生身。命等韓公三星什伍，嗟牛斗南箕簸揚。

不肯停屈，指生平多謗咎。

公嘗云：吾生遭口語無數，蓋生時與退之相似。吾命

在斗牛間，而身宮亦復在焉。

孤忠排蕩，激頽波百折，不回堅有守。

嗚呼！世事盡浮雲，頃刻白衣變蒼狗。黨錮頻仍，何太

勞譟譟羣小。今在否？先生風烈儼生存，亮節雄文壽

永久。嗟余小子，生苦晚，玉局一編時在手。拜公遺貌。

思執鞭幸陪羣彥駿奔走男兒墮地七尺軀立名會須期不朽不見小滄浪中笠屐圖茲辰競獻東坡酒

前題

至

前年纔葺子美祠去年又刻東坡詩祠成得以奉俎豆詩成尚未陳明棗今年臘月十有九月日適當公生時我家舊藏笠屐像握衣冒雨行逶遲懸小滄浪度致祭邀諸同人羅拜之髣髴先生開顏笑長鬚飄肩何嬉嬉緬維景祐歲丙子奎宿照耀臨峨嶺大儒

崛起司文枋縱衡上下天人姿無端黨錮來姦忌百
折不死神扶持公之詩歌炳星日光燄萬丈無時虧
吁嗟乎不見四十二卷復完好何必景繁顧子吳興
施

西陂類稿卷十六

欽定四庫全書

西陂類稿卷十七

吏部尚書宋犛撰

滄浪亭詩

雨中元墓探梅

余於吾家山題
香雪海三字

探梅冒雨興還生
石逕鏗然杖有聲
雲影花光乍吞吐
松濤巖溜互喧爭
韻宜禪榻閒中領
幽愛園扉破處行
望去茫茫香雪海
吾家山畔好題名

又絕句

好遊吳下從來說
元墓看梅半月忙
頭白老翁公事了
也教闌入散花場

天平山四首

白雲泉

迢迢白雲泉一綫吐巖腹
涓淨涵莓苔淒清韻琴筑
時有白頭僧持瓢到幽谷

蓮花洞

嵯峨蓮花峰中有蓮花洞撲人蝙蝠飛
霑袂煙嵐重斜陽倚洞門清嘯山猿共

大小二石屋

石屋藏碧巖戶牖天然具豁豁大小殊
几席總堪布好署燕子龕來學無生住

望湖鏡

山巔望湖鏡團團疑明月風來勢欲傾
雨過光逾發茫茫太湖波鏡中望超忽

送超姪歸里二首

廿載離懷結相逢感慨多江湖余遂老患難爾纔過放
眼誇登眺遐心託薜蘿況當櫻筍候容易醉顏酡

鄧尉花前屐滄浪月下琴言歸仍繫纜無計是抽簪永
日披圖坐全家擊鉢吟預愁相送罷後圃聽幽禽

送心壁道人遊黃山二絕句

黃山拔地萬峰攢蠟屐空拋坐一官羨殺道人瓢笠去
天都雲海盡情看

迎客乍聞仙樂鳥盤空驚撫擾龍松幽尋好問皮蓬老

貌得山花又幾峰

僧雪莊住皮蓬
寄寫山花圖

附
前題

男筠

纔共滄浪話言尋六六峰鶯歌當祖席嵐影入支筇
水挹砂泉潔松憐晚翠重匡廬舊隱處誰扣白雲鐘

前題

孫韋金

小住滄浪正閉關探幽又欲向黃山橫肩瓢笠平頭
杖一綫天中自往還

木蓮花發綠陰深山樂迎人弄好音安得抽身隨老
衲洋湖雲海共清吟

雨

太湖瀕洞胥江平風吹梅雨驚如繩衣裳霑溼戶生菌
步檐倚杖氣鬱蒸匡牀簟紋琉璃滑永晝偃臥聊曲肱
池水潏潏上階砌轆轤旋汲旋復增朱魚戢戢羅扇底
投以餅餌波閒騰斯時插蒔正旁午秧馬蹠蹠來相仍
勸農且駕犛頭舫斗酒慰勞循畦塍黏天雲水決皆入

村歌嘔啞得未曾西陂魚麥亦大好側身北望歸懷興

竹院

綠竹如綠玉葉葉森開張小院蔽白日青苔延石牀炎
天急雨過撲鼻來溼香振觸念疇昔點筆當筠廊

附
前題

韋金

霽色明修篁羅羅展鳳羽行飯小院中脫綳紛可數
綠陰生晚涼幽香滿庭戶東風時一吹枝頭滴殘露
夏日于役毗陵舟中雜詠六首

布颿風送穩暑氣曉來蘇稻發坡陀隱雲開乍粵孤三
時快靈雨十載狎川途望子亭邊望晴波亂浴鳧

向夕長河外青來是九龍炎天坐隨牒靈境失支筇僧

寶舍人筆

王孟端

泉留坡老蹤祇今清夜裏懷古意重重

園林秦氏好真趣甲江南澗曲泉聲聒池平松影涵

天書仰騰翥古屋閤煙嵐擬挈桃笙去遽遽一夢酣

彼美青門子

子湘

經時抱病歸蓉湖樓處近錦字到來稀

藥物分官閣文章拜布衣似聞牡丹候觴詠興無違

繫纜毗陵郡褰衣烈婦祠采風余入告

賜表爾應知曲几香蘋薦孤墳杜宇悲允宜稱鐵漢千

載勵鬚眉

烈婦徐州海氏遭強暴不辱死三十年後以余疏請得旌祠有香閨鐵漢額

吳歌何處發歸櫂晚徐徐波上邀明月曾邊買活魚尋
常詩老共山公容易世情疏思潁歐陽句沈吟獨悵如

結習二首

舊書探取幾迴溫結習應知老尚存靜聽旗門三弄鼓
偶來竹逕一開尊浮雲頃刻看生滅歸計商量共子孫

漫道犁頭蒼蘚積會須鏟削向西村

禪衣剪就買蒲鞵藜杖提攜興頗佳不怕炎官張火傘
似移冰壑到衙齋新蕉舒卷從遮戶鬪蟻憑陵欲上階
明月清池相對處詩成體自號俳諧

題畫二首

董北苑半幅溪山行旅

詩中聖人杜少陵畫中聖人董北苑上承荆關得渾厚
下啓倪黃入蕭散慣寫雨後江南山海嶽房山支派衍

山口待渡屢挂夢龍宿郊民舊過眼

俱北苑畫

半幅溪山行

旅圖曾向春明一再展流傳有緒寶華亭題字如蠶意
款款往來懷抱二十年今日重披興非淺連天鐵壁開
峻嶒穿石楓林列偃蹇山麓茅店走筆成人物草草生
趣滿巒容樹色漲檐楹神韻兒曹頗能辨譬之大令十
三行無須完璧始稱善悠然靜對小滄浪神明昇輔虛
妄遣

東坡語

畫理詩理好同參俯仰臨風快何限

黃大癡陡壑密林

一峰畫畫師虞山有元四家推第一人間摹寫芥煙海

誰見超超塵外筆浮嵐暖翠蝴蝶飛雨意

溪山雨意圖

雖存

非佳絕惟茲陡壑與密林簡遠蕭疎脫軌轍片紙展處

發幽光想見冲襟滿冰雪大癡非癡句曲

張伯雨

云精進

直入巨然室文敏敬跋奉常

王煙客

藏癡亦自愛此生活

更有長卷富春山相配歸然兩神物清鑒邇日歸達夫

流覽容余共披豁箇中真趣解人難一笑柳塘來皓月

夢雲

幽夢入高峰雲氣吐縷縷溢胸忽瀰漫散作人間雨

九日遊寒山五首

稻黃山碧水淙潺九日風光破客顏不逐遊人治平寺
獨乘筇舉入寒山

迴環川色與巒容畫本初驚此地逢
沈石田有巒容川色圖空谷

菴中一延佇老僧纔打午時鐘

別從初地恣攀躋
法螺菴赤幘紅英
見山谷詩冷色齊欲同彌

勸龕中住省得幽香是木犀

螺頂由來絕點塵危樓嵐翠染衣巾殷勤小摘籬邊菊
一薦寒山舊主人

漫同樵子問歸途片月迎人興不孤新詩寫就兒孫和
白傳當年似此無

閒情二首

庭院桂香中閒情老鶴同南田

惲正叔

遂已矣誰寫雁來

紅

霜下荷全倒風吹柳愈疎往來小池上不覺十年餘

天平山看紅葉

五載為拯饑歲晚駐河曲吳門好秋色不得一寓目今
幸書大有穩坐願良足飫聞紅葉佳爛熳天平獨蕭辰
發孤興牽藤入确聲時向野田中薜花摘寒玉驀塢到
白雲寺名千林蔽隈隩連蜷雅柏攢天矯霜楓矗或絢如
頽虬或燦如黃菊參錯青松間一一媚晴旭勝接車箱
嶺遠婉虞山谷車箱嶺與虞山谷址以紅葉名吾崖壑遍登頓石眼探
飛瀑樵逕息腰腳禪牀設茗粥斯遊愜微尚哦詩屢畫

腹幽尋更何處蠟屐望林屋

辛巳十月十日夢一巢居老人出示古琴云製自
禿髮烏孤明日客以琴餉因記二絕

枯桐得自巢叟夢裏攜向山隅清竝一泓秋水傳來禿
髮烏孤

明日故人過我七弦特地相遺滄浪一曲彈罷勝事匪
夷所思

題宋徽宗竹禽圖

春風良獄罷朝時
叢閣微禽費睿思
腸斷燕山亭子畔
杏花新燕又題詞

春日雨後遊華山伍氏隆池山堂因過合流菴感

舊有作

己酉夏同亡友計甫草
遊此菴已三十三年矣

山行雨後佳是處泉聲作千巖
若膏沐石磴松花落誰
家丙舍傍柴扉
隱叢薄桂枝低
冒衣蘚色碧
迎屨堂開

崦裏幽署書蛟龍攫

范長白筆

位置得真趣
總不事雕鑿
穀

雨爛天香風景緬
嵩洛玉茗雜紫藤
趙昌筆難著何須

問主人園丁頗不惡天口誇種樹直壓橐駝郭古跡諳
隆池遠岫指蓮萼跪言木犀開灑掃待觴酌一笑舍之
去清興更踊躍隣寺訪舊遊振策入寥廓門敲柳半存
欄敗花偏灼鐘魚晝無聲驚湍自噴壑年光等飛埃三
紀恍猶昨老僧如野鹿見客不住腳會合念朋好風流
悵寂寞向夕命歸艫沈吟返鈴閣

盤山青溝拙道人遠道見訪留住滄浪亭二首

青溝闢就老煙霞瓢笠相過道路賒攜得一瓶豆苗菜

來看三月牡丹花因緣大事公能了潦倒麤官我自嗟
好向滄浪亭子上梅檀香裏奉袈裟

經行斜日且觀魚黃鳥縣蠻入耳初接席金風舊亭長

竹垞懷人蠶尾老尚書

阮亭

春深玉版容參悟歲晚花宮待

掃除拂子一揮仍小住空林明月暮鐘餘

附
次韻奉酬

智朴

暫別青溝一片霞南來不怕路途賒為尋澹蕩題襟
客得看滄浪出格花世事從知都是幻人生任運莫

須嗟拜賜金襴雖愛惜隨身敢棄舊袈裟

客有談康對山墳被發者慨然賦此

盛明七子交最篤康對山與李崆峒李在羅網康營救

惡名何惜當時蒙此心久久益昭著千秋高義傳無窮

誰知兩公歸地下先後俱不保殯宮往者大陽

禹州山名崆峒

葬處遭椎發遺骸委棄荆榛叢盧龍義士為哭葬

韓子新鼎業

哀憤幾欲呼蒼穹爾聞武功亦被禍黃腸拋擲郊原中

身後畫鼓三百面那有長物煩剽攻控頤別頰真慘絕

口珠不見來悲風嗟哉七尺已消化雙目掣電驚村翁

咄咄怪事類陳武

陳霸先

鬚生白骨如飛蓬英雄才士兩

不朽豈與泉路萬鬼同達人觀化有深省無須懷抱恒
忡忡酒邊記事有振筆回首圓月升天東

錄歐公思穎詩為一帙諷而賦之

歐公宦遊每思穎集中備載思穎詩坐憐纓佩久羈束
擬尋漁釣浮漣漪南都中書歷多載十有三首瓊琚詞
迨毫及青三年耳中間吟詠實過之年益加老心益迫

千秋想見公風期我官于南將二紀清夢往往落西陂
縛橋結屋野岸閤撈鰕打鴨扁舟宜縣車以居願未遂
以今視昔增悵而滄浪亭上月照席述鹿軒畔花盈枝
是處取公詩再讀口為流沫情為移會須請急賦歸去
耆英幾輩相追隨此詩此志喻者少只應輦下漁洋知
題吳荆山吹劍集兼寄韓慕廬王阮亭兩尚書

昔人論彈琴但視第一指一指苟不合終身無合理吳
子三吳彥文壇樹高軌風行遍海內制義振骭散兒孫

幸得師余接金玉美幾載不窺園坐伏烏皮几前年紅藥
翻高譙官齋裏羣賢發新詠強韻分之子出口如景宗
直扶騷人髓爾後袞袞來杜韓無堅壘一卷冰雪文把
誦每移晷吹劍何言譙雅音實在是元晏得青門邵子湘
余言遂可已秋風奮健翮天池看一徙攜琴向長安尚
書扣知己願子慎所操勿悅箏琶耳

偶閱梁書陳伯之傳云暮春三月江南草長雜花
生樹羣鶯亂飛隳括其詞作絕句一首

三月江南正好春水如碧玉草如茵雜花生樹鶯飛亂
一段風光惱殺人

題顧俠君瞰荔集二絕句

迢迢歸櫂自閩疆六月登臨興太狂添得新詩佳絕處
武夷山色荔支香

炎官赫赫苦相仍柳下池邊尚鬱蒸尋幽想像天遊宿

集中有宿天遊觀詩胸次真同萬壑冰

題朱悔人廬山觀三疊泉圖

仰睇飛泉寄興派石梁天半老僧俱若教添入滄浪叟
便是當年三笑圖

冬日小滄浪同朱竹垞送張超然馮文子汪武曹
右衡韓祖語張日客顧俠君馮孟容吳衛猗蔣揚
孫慕蒼玉公車北上兒至筠同行用方干寄吳礪
韻

茂苑才欣接天台賦已成諸生方振翮一老待歸耕
鄧尉傳梅信胥江雜雨聲颿檣乘漲發冠佩切雲行
好赴

春官驗無煩別恨生須知齊稷契莫止羨科名凍月窺
簷白滄溪映酒清關山雙轂轉京國一軍驚杏蕊當春
日音書望

帝城騰驟隨驥騄何限囑兒情

附
前題次韻

朱彝尊

問業龍門近聯華鳳策成齊浮渡淮舫並輟有莘耕
騏驎爭先路壘簫恰應聲井東星偶聚河朔計偕行
葭館迎陽動梅花破臘生五雲遯驛傳千佛注經名

入廨冬猶暖臨池水至清別筵容我共佳句使人驚
送喜中丞座馳書北斗城非徒慰公望兼協野夫情
悔人之官石泉過吳見訪以江上圖索題蓋取義
太白江上吟寓豪舉也漫題二絕

木蘭之枻沙棠舟太白高風萬古留羨爾畫圖輕奪取
也從江上載花遊

蜀道迢迢向石泉楓橋祖席正霜天峭颿欲發不肯發
苦索故人詩一篇

吟窩小集賦贈悔人用楊鐵崖在彝齋試新製鐵

頽韻

髯也欽寄有高格談風不讓過江噴氣吞雲夢九百里
名著風騷三十年此去石泉容嘯傲何須勾漏學神仙
吟窩酒熟梅初放且艤橫塘鴨背船

附
次韻奉酬

載震

霜月窺簷鈴閣靜花前展席列羣噴何期深坐當今
夕不減豪吟憶往年簫觸羝羊空有角字餐脰望未

能仙感公惆悵分攜意緩刺歸途入峽船

題李營邱古柏圖邀悔人山公同賦

屏開颭颭飄霜風誰移老柏高堂中幾枝掩映接邃合
千尋挺拔當晴空韻流戶牖香滿席衣袂霑翠清陰重
畫手似此刮造化令人一見心神融龍腰紐結繡蒼辭
鶴蓋蔥蒨凌長松其下叢棘紛點綴坡陀迤邐泉淙淙
營邱劇蹟壓范寬郭熙零練寶與琬琰同孔明廟中少
陵賦太室山下武帝封一旦放筆巧摹取離奇臬兀驚

兒童近代文沈頗能事七星古檜貌洞宮祇向元人得
氣韻那許哲匠爭龍從歲晏張圖鎮面壁儼探林壑搢
吟筇詩句排冪與畫敵急請二客來交鋒

附
次韻奉和

戴震

清晝柏影迴長風鬱蒼挺立生綃中根纏礪砢枝屯
霧驚怪遠勢摩層空水墨通神真奇絕葉柯交錯寧
嫌重昔聞畫師非俗士興與理會象外融肪含芝朮
隕叢草容歷冰雪抗五松屈鐵皮紐青苔古黑陰垂

蔭大壑淙信非營邱無此手咨嗟滿座心賞同疑是
當年植新甫龍姿鶴骨煙霞封不爾曲筋絡榛蔓野
燒難免米樵童材大身全亦可貴何必定入明光宮
青牛化去將焉往且飽雨露臨崕嵒樽開華屋一相
對宛陟崇岡扶孤筇李園宋詠幹元化更誰劇壘能
銛鋒

次韻奉和

馮景

崇岡古柏搖天風如何屹立高齋中礫硤孤撐壓萬

木梗楠杞梓椅梧空奇姿屈鐵龍骨死數圍不計蒼
雲重黑入太陰含雨氣蛟鼉翻浪流膠融蒼皮駁如
孔林楷碧蘚斑似秦時松忽聞天籟起毫末髣髴四
壁泉淙淙乃知畫手逞神妙畢宏韋偃經營同作者
擅場營邱李祇疑放筆圖登封黛色參天踞地勢何
止車蓋張童童黃鸝猶在孔明廟白牡未薦奚斯宮
園桃天天棗纂纂蔥蒨那得標龍從斯材足任棟樑
重詎比篠蕩聊支筇珍圖好句兩不朽把筆欲賦難

爭鋒

和前題

朱彝尊

毗陵董啞子不畫山畫水淮陰龔高士不畫人畫鬼
乃知負絕藝落筆恒自矜獨立萬古意恥與時爭能
試觀營邱畫中柏宛似青牛道士井邊植一株足敵
一百株數尺看成數千尺樹根有泉亦有石樹旁有
草亦有棘當時畫柏不畫松檜葉縱身更奇特商邱
副相寶之久是日從容出娛客滿堂觀者齊動色濃

香亟就裴几薰韋偃畢宏妒不得此樹不知壽幾千
或與黃帝兄同年吟窩東北池西偏玉丫叉挂逾清
妍彷彿素壁生蒼煙公乃體物賦長篇格高調逸信
可傳我見近來文官惟公不要錢寄興自有珊瑚鐵
網珍珠船往年文康公晚為

孝陵輔君臣相悅邁曩古蘇調文武致太平

賜予圖書出內府郭熙范寬真跡存猶載香厨舊時譜
公今鑒賞多愈精暗中以手摸絹可別宋元明得閒

論詩無論畫過庭才子迭品評三吳開府近一紀盡
收江表詩人作弟子只如二客謂朱馮亦是詩中豪
惜我和歌今老矣

次韻答阮亭尚書

停雲賦罷思悠悠三紀論交已白頭記得與君初見日

一樽松下說黃州

歲丁未余以黃州倅入
謁寓報國寺

附
原唱

王士禎

尚書北闕霜侵鬢開府江南雪滿頭誰識朱顏兩年

少王揚州與宋黃州

犇牛道中二首

一片濃陰壓大河翻盆急雨打船過水車不響農歌歇
但聽飛泉落礪阿

斜陽開處稻油油坐向蓬牕對浴鷗自笑真同蟻旋磨
一年六次過犇牛

迎

鑾二集

康熙癸未春河工告成

上親臨閱視臣榮趨迎境上途次恭賦二首

幾度

宸遊問濬川平成今遇錫圭年

天心總為蒼生繫

廟算真超大禹前
蠡舍魚邨齊望幸
汀桃岸柳各爭妍
久膺旄節慚無補
清靜惟期效昔賢

勾陳停處省耕桑

聖主憂勤久愈彰

少海遠依

宸幄至

重離共仰

屬車旁問

安綺陌晨昏肅授簡春風翰藻香一事擬從

天上乞西陂煙水任相羊

駕幸金山

允臣請

賜御書西陂二字恭賦一首

聖皇巡河極昏墊

省方布德臨江南金山名勝

帝所愛

翠華四度來幽探時維仲春之九日樓臺巖壑晴光含
皇情悅豫灑

宸翰動靜萬古題精藍

時上題動靜萬古四字

羣臣跪覲目瞪久



金少卿八十一
卷十七
龍鸞飛舞輝江潭臣奏宋臣有故事石湖賜字榮抽簪
臣鄉西陂富煙水鷺朋鷗友素所耽乞

賜寶墨壓成大不令獨美千秋談

至尊含笑輒命筆驪珠寵賁添驚慙觀者如堵劇歎羨
飲飛競進偕瞿曇自顧垂老荷曠典涓埃未報情何堪
拜歸倚權一頰首虹光照燭凌煙嵐

恭頌

萬壽詩有序

皇帝御極之四十有二年春河工告成

六龍親閱

省方南幸黎庶觀光適逢

萬壽無疆咸頌

一人有慶臣華承乏守土再覲

天顏得遂呼嵩忭舞之私竊附薄海賡颺之後詩成百

韻律製七言凡千有四百字管窺蠡測莫罄高深

庶幾鋪張對天之闕休揚厲勤民之偉績文雖荒

陋志切詠歌謹拜手稽首以獻詩曰

萬年

天子太平春大衍欣逢協洽辰表裏河山真孔固升恒
日月自常新虹流華渚先徵兆電繞樞星早降神有命
自天隆峻極無為而治軌常倫從來十有歌君子自古
三多祝聖人虞夏商周開壽域東西南朔轉洪鈞亦符
握後雍熙奏青簡書來美善陳歷服無疆能續

祖孝思不匱在尊

親寢門綵舞龍樓夕閨苑萱舒鳳華晨

明德殿中嘗膳旨

宣仁宮裏獻卮醇炙來白鹿歡呈尾脯進黃羊笑啓脣
慈聖貽謀傳永永

元良垂裕慶振振鯉庭言動聞詩禮鶴禁溫恭慎笑顰
丕顯丕承師不遠重輝重潤瑞相因克昌厥後金枝衍
則百斯男

寶訓諄問夜瞻雲無日懈五風十雨有時訢寸心俄頃

欽定四庫全書

卷十七

周青甸萬里痾瘵達

紫宸親睦平章光上下疇咨吁咈敬臣鄰春秋絃誦敦庠序

郊廟馨香潔祀裡刑省三千執法簡條頒十六教民淳官方考績徵龔遂輿論優賢借寇恂無黨無偏遵路直有馮有翼弼謨訖緬思三葉干

天紀遂發千駟動地塵迅轉秦車馳暢轂大鳴越鼓扣金鐃

王師聲罪清淵數大將臨戎掃棘榛棘未嘗瞻至洛
黍苗先已慰來郇星旗耀日全吞蜀霜戟凌風直到閩
箭射六麋飛電刷軍摧九虎疾雷震西開燹道綏蠻徼
南闢黎闕奠海濬銅柱朱崖齊向化龍湖象郡悉來賓
鐵橋已立韋臯壘玉斧還通莊蹻津紫蓋黃旗降已晚
青絲白馬悔何悛走林盡竄昆陽象營窟前除東郭隄
況附臺灣收島嶼也隨職貢達江岷封侯相叶頭如虎
裂地勲酬手不龜既築鯨鯢歸凱宴畢除梟獍解戎袍

敷天共服

皇猷壯羣帥能欽

廟略遵何意狼煙明絕塞又煩

驚輅出重闌桃花露拂朱旂染楊柳風牽翠葆紉三駕
陰山奔駭鹿一臨瀚海伏窮鱗熟籌上策非矜武但治
渠魁可徧徇雷雨動時開草昧剛柔交後始亨屯未哀
荆旅淹三載祗格苗頑逮七旬西賁南琛紛蹻蹻梯山
航海互踳踳象胥誰敢不來享

龍德方知自有真天不階升高莫竝地非尺度遠無垠
堂廉雖肅猶三接衽席能安及八黃有此武功何赫赫
矢其文德更彬彬日新學問空前哲

天縱聰明却介儼火照青藜宵不夜珠探赤水旦方寅
左繩右矩褫躬密玉振金聲履道純六藝精微尊曲阜
五經同異析成均每嘉文學如游夏更飭儒修判孟荀
孝秀書升羅俊髦圭璋特達黜嚚嚚譬需巨室樛楹柱
必備良材枯柏枕夢卜載姜辭釣渭聘纁來尹罷耕莘

乾乾終日宵衣屢矻矻窮年旰食頻赤縣有儲常豫積
蒼生無告輒周詢

省方哀對臨吳越輯瑞懷柔蒞晉秦賜復普天霑湛露
蠲租率土起荒蕪皆看棘木春鷹化仁沛桑田野雉馴
已貯常平供大賚復留轉漕勸吹豳連年徐泗衝波亟
五載淮揚振廩勻南畝百千羣貸粟西江十萬遠輸困
澤飛鴻鴈人安堵吏牧牛羊農樂畝寅畏治民齊太戊
普施利物媿高辛闕譏未作通平準稅恤商車不算緡

采非受言因止輦懸鞞聞善即書紳衣冠壁水園橋聽
圖史金華鼓篋呻中祕縹緗翻蠹粉西崑芳潤選彪彪
萬幾多暇奎光煥二酉餘閒藻製伸雲漢昭回文濯錦
蛟龍飛舞筆鉤銀詩如雅頌饒溫厚書使鍾王失寶珍
典重瞽宗親釋菜蜡隆鄉飲禮成僕每行黜陟薰分猶
不使賢愚玉混璣禹域繼離乘橈楫堯言申巽渙絲綸
桑乾鬪岸狂瀾橫瓠子衝隄故道堙鐵鎖支祁齊下竹
壁沈河伯捷捷薪渠成燕趙神為助水滙淮黃績不泯

草木知春先望幸梅花如雪又

時巡汾陰寶鼎輕沙礫成紀黃龍比蛭蟻豈若

皇心安海宇轉忘

帝力莫河濱去年全免江東賦今歲除征皖右民應見
虞廷儀鸞鸞會覘文囿舜麒麟南山翠色長蟠嶽北極
瑤光自照旻四十二年

恩愈渥千三百載美誰臻孤生黃口叨餘蔭竊附青雲
早致身德合天人歸一統任參調燮寵先臣螭頭交戟

鵷班侍豹尾隨車虬漏逡報

國愚忠蒙鑒拔居官曲謹仰陶甄濫竽旄節躋榮牕攬
轡封疆事拊循未及鄭莊能薦士僅如庾亮不私姻深
慚懷抱

褒清明實愧誠民

獎惠仁已際時雍收械櫜尚圖歲晚勵松筠都忘柳質
因霜悴惟矢葵心向日中驚鈍豈追千里馬品題空負
九方歎幸逢春日歌魚藻敢託秋風想鱸蓴但以衰年

堪杖國或邀盛典許懸輪

天高地厚何時報海宴河清此日洵三萬二千成一歲
老臣長願戴靈椿

駕幸浙江仰荷優老殊恩

命於吳門祇候敬賦一律

隨刊續奏

幸南邦翠蓋華芝泛大江吳越韶光開

輦路湖山秀色入船牕

湛恩汪濊康衢頌

睿藻繽紛藝苑降白首重蒙

優詔及自憐遭際近無雙

扈從雜記十二首

迎

鑾日紀有前編

己卯有迎

南巡臣

再扈

宸遊荷寵偏天上

玉音頻問答愧無文筆繼胡銓

銓有玉音問答

郊城四鼓漏聲沈驛騎傳呼使命臨不道微臣衰朽質
雲霄獨繫

聖人心

上念臣年老遣
侍衛止臣遠迎

道旁迎謁快瞻雲喜氣真從豹尾分白首中丞還健在
微聞

天語告

儲君

故人相遇屬車旁弱歲同為執戟郎話到承恩

先帝日不禁老淚各霑裳

侍衛鄂羅世祖朝與臣同官

河堤四幸惠元元善後經營總

湛恩雞犬不驚邨舍靜

鑾輿親歷小桃源

名邨

御筆頒來訝再三西陂寶墨祕龍函一時盛事流傳速

已入漁洋續偶談

臣於金山援范成大石湖故事乞得御書西陂字王尚書士禎採入續池

北偶談

九重

恩賚劇便蕃貂帽龍袍竝上尊故鄉再建寶綸閣官舍

新開賜果園

上賜西域異種葡萄二株

天廚珍品來絡繹土木上藥挹芳芬綠端眼鏡萬壽字

鄭重還從

御佩分

上取松花江綠端石鍊作玻璃眼鏡皮函上有金絲繡萬壽字精妙絕倫

最無謂者惟任子極力排詆自老泉老臣所遇總格外

詔同宰相校詩篇

吳門進詩者命臣同大學士張玉書閱定

奎章照燭日星高海內諸儒仰望勞劬厠流通非細事

偏容薄劣外臣叨

時頒御製詩
集於吳門披刊

周廬

召對竭愚衷冲默應知愆遂通誰云廉遠堂高處不與
家人父子同

自憐老去遭逢盛倚馬吟成紀事詩幾日一閒真到手
斜風細雨賦西陂

使院新構成恭懸清德堂

賜額適至兒南宮捷音至

池北新堂啓恭逢

賜額來

殊恩嘉舊德重地愧凡才賦客追隨過林花次第開老
懷添慰藉送喜又燕臺

六月苦旱忽蒙

恩賜

御筆書扇二柄旋得大雨恭賦紀事

火雲燒空何赫赫是處山田盡龜坼千邨望雨農歌勞

職在封圻憂懼迫忽驚

寵命九霄臨習習清風傳薊北近臣

織造臣
李煦

捧齋寶光

歌

御書二扇蒙

天錫老臣拜罷敬展觀鳳泊鸞飄雙拱壁其一

御製省刑詩仁民

德意殊惻惻背寫雜花豔有香紫檀細股窮雕飾其一
白檀嵌美玉尺餘宮扇真創獲諦視名畫屬徵明玉帳

山銘

御書
此銘

聖人蹟動搖炎暑訝進退到眼陰雲漸四塞涼颼急雨
如願來原隰勻勻霑濺澤從此南國慶豐登野老恬熙
安作息須知太平有本原端自吾

皇手中得

上己卯南巡視河

賜江寧巡撫

臣

宋犛仁惠誠民四大字又

賜懷抱清朗四字癸未以河工告成再

南巡渡江

駐蹕金山之江天寺肇扈從因奏臣家有別墅西陂敬乞

御書西陂二字

賜臣不令宋臣范成大石湖獨有千古
上笑而書之即以頒賜

駕回行宮又

命侍衛取入重書賜焉再

賜清德堂額肇西陂有緯蕭草堂芟梁釣魚諸勝常屬
予輩賦詩今乃獲

御書張之不世之遇也古來名臣別業最著者無如千
橋阜泉顧未聞有此矧輞川盤洲以下乎肇自有詩
記事濟南王士禎敬為之跋

魚水君臣古不如


玉音問答駐

乘輿近來官閣無留牘更

敕香廚校祕書

西陂水比石湖清
雲漢天章照影明
且莫平泉疏草木
試看馬乳後園生

朱彝尊



西陂類稿卷十七

欽定四庫全書

集部

西陂類稿卷十八至二十

詳校官起居注事

臣顧憲泰

助教臣常循履勘

總校官檢討

臣何思鈞

校對官編修

臣勵守謙

謄錄監生

臣朱履松

欽定四庫全書

西陂類稿卷十八

吏部尚書宋肇撰

清德堂詩

秋杪奉

命行賑淮徐偶於村舍壁上見無名氏二絕佳甚次韻

漫和三首

每為行藏獨倚樓
淮徐行賑又經秋
驅車野店隨霜月

繫艇荒灘枕碧流

河流嚙處大隄環鴻鴈哀鳴落照間記得江南當此日

梅花消息問查山

查山濱太湖
梅花最盛

月上茅簷欲二更天涯歲晚不勝情清詩誰寫黃泥壁
未許人間識姓名

附
原詩

橫筵何人夜倚樓小庭月色近中秋涼風吹墮雙梧
影滿地碧雲如水流

渺渺孤城白水環舳艫人語夕霏閒林梢一抹青如
畫應是淮流轉處山

行賑淮徐恭聞

上幸秦晉由中州

回鑾

臣疏請迎

駕於大梁祇候旋奉

旨免迎返轡過里門信宿而行賦詩紀事時康熙癸未

仲冬十二日也

別家踰二紀魂夢西陂繞今春

上南巡周廬荷傳召問答及私情縣車曾面告屢陳未
俞允

天語加慰勞撫躬增怍怍高飛羨黃鸝秋月賑淮徐拯
救遍隈隩瘡痍雖未起庶幾安井甯恭聞

駕西幸秦晉仰離照

回鑾經中州瞻雲來焦焦迎

鑾臣奏請擯首劇騰蹕叱馭過里門骨肉未遑造隋堤

走兼程夷門候七校東京繁華地興廢足憑巾良獄冠
亭榭繁臺儼雲嶠昔賢幾酬倡我復此臨眺上方雲外
塔色與古鐵肖吟鞭方在把

玉音倏馳到執父免越境

天意憐諄眊節旄返故鄉此行匪意料踴躍扣垣澤倉
卒謁家廟上冢僅卮酒翦棘事灑掃乘夜會三黨積愫
詎能道疇昔總朱顏今歎鬢髮縞後堂小兒女相見嘖
然笑問名祇恩恩榛栗未一搞羊棗三世樹婆娑附蘿

爲先公手植松青蔥挺石竅對此忍遽別摩娑發清嘯
詰朝探西陂雲水領其妙枯荷數里香煙樹莽竄窳天
涯遊子歸騁懷忽大叫田父喜我来殺雞設村醪稚子
喜我来白魚迴溪罩即目得逍遙感舊動悲悼載酹老
妻墳淚下林鳥噪指點結屋宇安排樂耕釣

宸翰慎寶藏牟麥謹糴糴牡丹爲我培荇菜待我笔將
行重眷戀絮語涉聒譟歲暮嗟于役朔吹欲墮帽較量
出處閒沈吟首頻掉據鞍賦此詩心比風中旛

賦紅白洋茶

奇葩海外占春風，乍挹嬌姿曲檻中。
澹掃蛾眉憐號國，豔分鶴頂伴秦宮。
蠻烟瘴雨移來遠，厚葉深花貌不工。
想見高懷蘇玉局，長明燈下賦芳叢。

官居二首

那復似官居，搢筇步廣除。
心空宜讀畫，性癖愛鈔書。
欄壓枇杷樹，池翻玳瑁魚。
尋常來上客，謂山公清嘯此同。

舒

奇福尚書羨

阮亭司寇間余得名蹟祕書歎為奇福

閒情使相嘉

張洎谷中丞以

余閒情為不可及

鈴旂心不繫雲壑興還賒震澤阻遊屐滄浪

頻泛艤老懷方浩浩何用祝蒼華

蒼華髮神名元白有祝蒼華倡和詩

題汪東山修撰秋颿圖

暫脫朝衫覓櫂師吳江楓落卸颿時浣裙調餼融融樂
好補南陔逸去詩

一峰畫本對松關不少煙嵐几席閒風流欲竝肝胎尉
時捉吟筇入破山

墨品

余有雪堂墨品漫堂
墨品漫堂續墨品

文房上品推隄糜易水良工劇傳播魚胞犀角巧製作
烏玉清煙慎包裹隅囊揣測古有人入手歡呼世惟我
家藏墨品費搜尋斷壁零圭篋中鎖神物櫟園拜最久
軟劑藕灣張長人貽更夥雖無潘谷寶邵羅旗鼓方程但

瑣瑣鳳珠磨罷時小啜總拙臨池無不可三雅堪媲美

谷裝

孫退谷先生有
三雅齋寶玉器

幾笏待壓西陂柁每逢好事共摩

挈豪奪巧偷近來頗人不磨墨墨磨人欲用幾番仍不

金少卿先生集 卷十八
果仰天大笑癖難醫阮孚蠟屐征南左

題李蒼存雪江垂釣圖

疊疊寒雲四望同雪花如掌舞迴風一天詩色分明在
付與荒江把釣翁

雨罷

雨罷翛然候斜陽藥院中鈴螾筍迸砌森挺桂抽叢詩
話兒孫在山居襟抱同最憐花事過留得杜鵑紅
得李梅崖中丞報書書尾附一絕奉酬六首

京華文酒劇周旋上谷重逢揖馬鞭
別後真同少陵句
中間消息兩茫然

危從河隄葭葦中故人言笑暫時同
不道行蹤類飛鴈
斷行南北又乘風

武昌楊柳自依依一片冰心物望歸
載擁旌幢南浦去
頓教山水發清暉

追思滕閣十年餘此際高風愧不如
一事後先堪比調
雙睛長自對匡廬

前月裁書遠寄將今朝錦字報吳閨書尾驪珠驚錯落
朗吟清夜向滄浪

舊遊落落已晨星蠶尾尚書尚典型振觸原鴿無限恨

如麻老淚一時零

梅崖官禮部時阮亭尚書
及余與亡弟斯皆稱莫逆

附
原倡

李基和

天際邇雲五朶開追尋去日等飛埃空吟膝閣風流
句誰識廬山面目來

牧仲中丞來詩感三十年前知交零落讀之黯

然再寄三首

基和

記聽雙鬟楊柳詞春風幾度繫人思那堪幕府分麾

日重溯旗亭畫壁時

懷阮亭尚書

傲骨昂藏祇自憐黑頭歸早臥林泉讀他如練澄江

句不見宣城又數年

謂謝方山郎中

渺渺河山宛畫圖暮雲岑寂野烟孤同遊嵇阮歸何

處太息黃公舊酒壚

葉蒼巖田子綸兩侍郎曹寶菴舍人白仲調評事顏修來宋子

昭兩郎中俱謝世

題楊補之四梅圖卷四首

梅花格最高貌取固難肖況當未開時蓓蕾藏窈窕南
宋草元裔實與梅同調妙筆寫橫斜意興迴孤峭遙父
馬傷刻畫元章王涉狂躁何如此尺幅遺世獨窈窕流
觀嚴林下拂衣起清嘯

右未開

看花趁欲開寫生亦其時獨將塵外筆奪取塵外姿東
風正料峭黃昏籬落吹薄寒喜將吐上春來未遲孤山

有遺老配女亦良宜何事起巡簷索笑向疎枝

右欲開

好花當盛開摹寫劇酣暢繁葩映晴昊新妝逞越樣層

疊冰綃圖宮闈有高唱

南宋楊妹子有題層疊冰綃圖詩

似此化工筆

瀟灑出其上所欠但香耳老農贊匪妄

海野老農題補之畫梅但欠香

耳鄧尉我屢遊對畫神逾王茫茫香雪海待著屐幾納

右盛開

畫手有三昧盛衰奚不可還從溪橋邊貌此飄殘朵高

金史卷八十八
卷十八
低幾片飛一帶寒烟鎖恍如絕代人百尺樓頭墮零香
挹微茫遺恨屬婀娜題詞重眷戀曾與畫史左和歌得
丹邱柯九思勝事共傳播清閨富收藏較余未為夥

右將殘

附
前題

韋金

梅花盛江南銅甌頻放擢每恨來時遲不識臘前妙
畫師畫未開翩翩冰雪貌或如椒實懸或與荷珠肖
紫蒂經霜寒白苞映日耀芳心休輕發須待東風到

右未開

東風一披拂，冷蕊放疎枝。
清絕逃禪老，此際傳芳姿。
莫訝細細開，恐負早春時。
佳人初睡起，猶自斂蛾眉。
含香如有待，乍吐凝幽思。
不見桃與李，飄零恐自悲。

右欲開

從來寫生花，盛開尤易狀。
長條雜繁葩，維筆之所向。
暗香若浮動，梅格實無上。
孤山脚下逢，大庾嶺頭放。
璀璨復皚皚，銀河翻白浪。
歲寒折一枝，三友好酬唱。

右盛開

花事有盛衰如人多轆軻高士感此意更貌彫零朵
偶來隸几右穿過風牀左還疑帶雨飛漫天雪片墮
盛開纔幾時忽忽自飄簌獨有柳梢青補之題詞至今尚
婀娜

右將殘

小圃

身雖塵埃興滄溟小圃柴扉盡日扃是處蕭閒堪獨往

竭米朱墨喜初停穿林曲折憑雙屐傍水傾敝有一亭
泉出池隅澄似練軒開松下泛如舸菁蔥北望分鄰樹
空闊東偏對射聽牆角樓桑紛羽葆風前逕竹列玲玕
疎梅叢桂柯交葉國色天香尹竝邢雜本四時移虎阜
名葩千里走園丁

牡丹來自故鄉

西菴

賜果虬盤架南海甘蕉鳳展翎上客勾吳數晨夕曠懷
彭澤仰儀型沈酣尚憶婪尾宴節序將看河鼓星已覺
佩纓無顧戀更饒酬唱是家庭昂藏高格偕孤鶴偃臥

清宵弄溼螢矢口吟成追白傅滄浪煙月上遙汀

送汪陞交入都兼寄阮亭尚書二首

節候猶殘暑胡為襍被行片颿帶疎雨遠道赴神京山
色過江改鄉心見月生回中知有遇大禮賦須成

白髮漁洋老風流衆所師好同天下士去和濟南詩霄
漢懸清夢雲山失舊期滄浪倘相問道我泛漣漪

余四十七年前與候官謝孝廉爾元

天樞

訂交輦下

後爾元自柳州司理歸余正判黃州盤桓數日而

別又二十餘年棄世今其子孝廉清裁令武進得
所著嶺外詩讀之感悼慢賦二首

杵臼交情記柳湖玉鉗漚酒幾回沽
花前坐具晨昏接輦下吟鞭意氣殊
健筆君元追子厚漫遊我自弔髯蘇
臨臯夜雨重逢日翦燭東齋興未孤

負笠攜筇躡九仙生天靈運遂多年清詩嶺外遺編在

明月樓頭舊夢牽

爾元於京師寓樓招妓宴客客贈詩有樓上朱明月樽前出麗人句繼

起兩家堪慰藉歸耕一老尚迢邐方塘斜日行吟處腸

斷西風墮白蓮

禱雨二首

三月四月雨不住六月七月點滴無元妙觀中正祈禱
報道陽山龍挂湖

滄浪水縮三尺強稻畦龜坼枯槔忙早晚甘澤一霑灑
迴隄解帶聞荷香

閒情

桂香堪領略薄暮一扶藤鶴病心常繫霜遲歲欲登碧

搖當檻水紅過隔牆燈拾得眼前景閒情誰箇能

附步前韻

韋金

香風涼桂院殘雨落修藤節喜重陽近山將結伴登
看松乘曉露散帙對孤燈自爾閒情好和歌慚未能
示韋金孫兼送其省試八首

何必城南始讀書伊吾官舍十年餘而今頭角崢嶸甚
也解談詩一起予

百常名爾劇堪哀

范鎡遺腹子名百常韋金小名取此

失恃重嗟身尚孩

誰知苦雨淒風後釀出蘭芽玉筍來

授研圖成鎮自隨驂騑遠道去駢駢徵君題字分明上

萬丈光芒為爾期

魏叔子銘亡兒著所用研曰女方其外而去其稜角因其自然而不琢其

璞斯文章所由作予授研韋金爰作圖名齋

共憐二阮此追隨

大阮謂筠兒

刮垢磨光慶得師

吳荆山

幾番

衙鼓鼙鼙罷授研齋中獨辦詩

柯亭汝伯逐羣賢

謂至兒

汝叔秋風又著鞭

筠謂我

老自憐

當蔗境煙霄望爾去聯翩

嘉辰侍讌向高軒老輩親承笑語溫無端拜倒緣何事

玄晏先生乞一言

謂朱竹垞

童穉歸依屬阮亭未親杖履接談經停雲共我殷勤賦
蠶尾遙看一抹青

胥江風正片颿揚梅雨如絲競插秧橘綠橙黃好時節
待傳吉語醉滄浪

迎

鑾三集

康熙乙酉扈從恭紀七首

聖皇重民瘼匪以翫物遊淮黃慶底績利賴垂千秋清
口實要害善後須良謀有

詔二月吉南幸臨河洲山左薦饑民幾載厘

帝憂哀鴻雖漸集果遂安全不巡行載周覽德意劇
綢繆封圻臣忝竊星馳覲

龍旂仲淺

地名

欣就日當荷頒珍羞問年啓船牕

天語亦何優

上問臣年對以七十
有二上笑云還健

野岸賡

睿藻

御製湖口關喜雨詩
命臣恭和

短櫂導

御舟

命臣恭和
御舟前行

被寵忽小極伏枕惟呻吟河隄

宸算罷浦漱

寶幄留凌晨望淮郡列鼎香烟浮

百姓列大鼎焚香
迎駕數里不絕

引

纜寂無聲不驚沙際鷗

轉漕資重臣使院駐

天仗

駐蹕漕臣公署

進獻一不受市肆真無妨信宿經甃社牙

檣送春漲迎

鑾走旌倪竹西行在望綵棚飛輦同燈船遊龍狀稍探

初地勝

駕幸天寧寺

旋進閒園榜迢迢茱萸灣

離宮赫有伉高旻詩鍾魚清別殿花木暢

皇情得愉悅

聖製寫幽曠露臺美漢文瓊花誚隋煬

御製詩中語

煌煌日

星垂允嬬南薰唱宣示及從官恤民

帝所尚微臣病良已趨侍纔却杖爰代吳民請敬設虎

阜帳前路即金山澄江插碧嶂

動靜萬古字

前年御書

光燄騰嵯峨勝地洽

宸襟一權投山阿雲巖快探歷風榭聊婆娑明發渡京口吳山儼姪娥澍墅簫鼓競金昌香花羅吳民結

聖緣眷注加撫摩

駐蹕仍公居點綴添庭柯既無供億繁亦無羽林訶流虹屆

聖節羣進天保歌官寮肅展謁劔珮相戛磨願

天子萬年黃髮來番番願

天子萬壽兒童舞倭倭戎

皇但垂拱大廷列象犧諸生獻詩賦卷比束筍多卞璞
雜燕石咸荷一笑瑤省耕及宥過具區流恩波顧瞻薄
海內熙熙遊太和

九峰三泖間疇昔荷

明問適以元侯請

詔許龍舸進玉峰臨眺餘軍容觀重鎮喧聞百戲陳壁
壘連營峻五茸海隅地

天顏何由近一旦仰勾陳萬姓耳目震

法駕臨世英

提臣堂名

供具昭敬慎燦爛洋茶花雅助簾櫳

韻技射帳殿開環侍盡精悍

神箭激流星英風壓行陣

帝子侍朝夕控縱秉

聖訓洞目欣且駭衰病為一振休息兩奉

諭

上以臣衰病兩命退帳後少憩

慰留載叨眷

上閱黃浦江免臣扈從

送

駕幸武林守疆反吳苑叶

回鑾迓垂虹存問逮荒岸

上問臣病愈否全愈否頭不暈否

扶持

命臣僕

聖意更周徧

上見臣僕跪岸傍命起扶臣

前史覩未曾感極涕欲潛

吾

皇天縱

聖百事皆人師詠歌振大雅染翰留芳規

宸畫乞可得雲漢恒昭垂臣竇實最夥驪珠耀西陂忽

驚福壽字龍鸞下

丹墀跋云老臣年七十有奇步履尚强健特書以賜

之茅堂題魚麥

賜魚麥堂額

家廟表令儀

賜世有令儀額

楹帖勗出

處

賜地連江海屏藩重賦甲東南節鉞雄兒孫歌舞詩書內鄉黨優游禮讓中二聯分懸公署西陲

雙

簾光陸離

賜二扇

解推有後

命恩賚踰等夷

命臣與將軍總督同受賜

衣冠寵封疆

龍紋袍挂貂帽

飲食

憐衰遲

先後計賜二十二種

御研

先後重賜御用絳松花研一

上品藥

高麗土木人參各一觔

駢

放及玻璃

計十八件

菽乳

天廚珍方法諭使知

遣御廚官役授御用豆腐祕方

禁禦動色告傳

寫遠道齋臣職未一効曷克承

恩私感泣但泥首披陳拙言辭耿耿此寸衷惟同傾日

葵

闕門有盛典多士此雲集江左十五子詩卷臣手輯獻

頌者五人文行素所習薦牘竝詩進鄉史荷收入

榮有十五

子詩選在吳者吳士玉等五人聲奏薦竝進其詩

遣試就泮宮引見列

御榻七字得殊遇

應律一篇

制七

京國去何捷清和趣回艫

好風上颿葉看山名園留

惠山秦園

試茗石泉挹是時雨澤

愆前路河流澀號屏忽効順甘澍來恰恰遍野罷桔槔

瞻

天著蓑笠

車駕發鐵甕抗旌過建業城闕六代遺煙雲三山匝夾

道管籥迎極望錦坊接田夫獻新麥停

輦聊一檢所貴農事成欣然

聖衷愜雨花臨高臺長干眺古塔倚歟

大聖人舉事千古壓每過酹明陵萬口傳喋喋闡幽署

書額

賜漢蔣子文米程頤各祠額

風示意不乏歸途訪靈谷禪機叩

老衲

金山

帝所愛過輒凌其巔瞻望極溟渤高歌薄星躔偶將張

祐句揮灑向梵筵江空有靈物十尺驚蜿蜒

上正書唐張祐龍出

曉堂雲句而龍忽見神龍來謁

帝感召非徒然左右瞪目視遠近俄爭傳前期高旻寺

浮圖光燭天

舍利塔放光

竭來水精域法鼓聲蕭蕭中夜契

妙諦

天藻振大千

御製聞磬詩

青宮鐘鏞繼朱邱圭璧聯羣臣俾

賡和墨彩浮鸞牋斯盛幸目覩良亦有夙緣恭送越大

河常泊

龍舟前河隄訓誡畢官箴以次宣臣格

漕臣桑格

暨臣榮獨

荷

帝寵偏跪奏越境送少攄此拳拳

恩諭可即止佇立夕照邊方將伏道左

宸章下河壩

御製
研說

鄭重畀臣聲

殊眷空後先自顧同老馬矢報無由馬夙夜愈砥礪庶
幾晚節全

賜物慎藏弄

御書敬雕鐫他時想西陂榮光映淪漣還吳奏謝已迎

鑾有三編

聲有迎
鑾三紀

奕世奉家塾長使寶護虔

西陂類稿卷十八